


王焱 編

日本漢文學百家集 195



YSP
北京燕山出版社

王焱 主編

日本漢文學百家集
195



北京燕山出版社

第一九五册

來禽堂詩草 二卷 澤田東江著 天明元年……………一

弊帚 四卷 中井履軒著……………九九

來禽堂詩草

上

來禽堂詩草

東江源鱗文龍著

五言古

雜詩

結廬在江上江聲耳日夜流俯為逝者歎日月何悠悠
被褐從所好斗酒聊忘憂靜嘯望雲外長歌欲誰酬
朝出漱正陽夕步狎海鷗桂林鬱彌路蘭蕙盈芳洲
翹迹慕洪崖振衣懷浮丘曠哉神仙府道深不可求
翩翩衆鳥飛洋洋羣魚浮逍遙有真意且遂坐江頭

春日侍

東叡大王宴應教

東山春綺麗辰良嘉會期中堂通佳氣寶殿開瑠璃
鬱鬱彼千重閣其下臨碧池魚游鮪躍清波鳧雁帶光輝
帝子命宴飲君羊賢相追隨園中好鳥鳴花樹紛陸離青
雲拂飛蓋美酒盈金卮羽爵行無算合坐皆想遲清
歌多妙製春葩擢藻思高興未渠央但惜夕陽移承
恩極歡樂既醉且忘歸逍遙快心意千歲顛若斯

七言古

草書歌送先宗師歸浪華

宗公少年事參禪杖錫周游東海天風流同盟來禽
社方外已結翰墨緣魚牋絹素及筭篋好古尚友晉
代賢終日舒卷忘寢食披雲驟雨過眼前對此心骨
無凝滯興來自稱狂繼顛馳毫落紙不停手須臾滿
堂生雲煙初疑騰驤走千里還似奔鯨吸百川由來
空門誰獨步隨有智永唐懷素此妙外人那得知執
苑檀場看如斯一朝興盡遐棄我公也歸住浪華湄
江邊四月天氣暑杜鵑啼送暮天涯白雲無盡唯惆

悵何當懷我寄相思

題高陽山人畫蘭亭宴集圖引

山人才名素相聞繪事般礴獨超羣兼將詩賦滿江
湖自稱吾是高陽徒餘酣興來聊下筆為我寫寄脩
稷圖憶昔風流永和年恍憶山陰暮春天太原孫氏
陳郡謝列坐少長會羣賢崇山峻嶺開咫尺茂林脩
竹自蒼然山水清音託心賞何必絲竹與管絃俯仰
天地幽情足一觴一詠曲水前遊目騁懷信堪樂人
世自適真可憐將軍興感揮翰墨螭繭鼠鬚何蟬娟

文工書聖畫善義道美勁健絕代傳君不見蘭亭高
宴空陳迹偶覽斯文歎徃昔自從神蹤入昭陵唯有
定武留玉石東江逸民耽臨池臨摹半世鬢如絲對
此不知老將至春風把酒坐茅茨縱觀咨嗟丹青妙
借問古來能畫師龍眠老死不足數世上浪得周郎
碑山人新圖開生面意匠磊落老益奇遮莫尋常多
俗眼苦心愛者舍吾誰

五言律

早春遊望

東風和氣動，携手野塘涯。
梅發霞將落，鶯還柳欲垂。
流澌春水滿，斜日晚山遲。
何限餘酣興，重遊不負期。

山齋春日

獨往幽棲地，春山望可憐。
傍簷青嶂秀，出岫白雲懸。
竹裏彈琴罷，花間對酒眠。
興來堪自適，且唱考槃篇。

觀多胡郡碑有引

碑在上，毛多胡郡和銅中。
為置縣，建傳言。
羊大夫碑，余與高子啓行見焉。
留宿其下，不啻歐陽率更觀於索靖所書。
遂題詩而

去

一片羊公碣原傳絕妙辭石當青嶂出字映碧台滋
雨洒龍文怪雲飛鳥蹟竒悠然千載上悵望淚先垂

題任公禪房

空居臨碧水坐卧聽潺湲千嶂當軒出孤雲向岫還
清風過竹徑皎月照松間詩就禪餘興羨君常愛山

同諸子登黑瀧山

在上毛
南牧

懸泉高萬丈仰望白雲隈谷暗啼猿響音天清斷雁迴
雷聲三壑動樹色五峰開相與探幽勝深慚許掾才

秋日閑居

西來秋氣滿幽獨，自悲吟明滅斜陽遠。
蕭疎落木深浮雲過，伏枕流水和彈琴。
薄劣堪裁賦，誰憐潘子心。

秋日遊山寺

秋色高臺靜徘徊，落日天林深孤磬。
鄉音出巖峙一泉懸，衆鳥飛將盡。
攢峰斷復連，明朝城市裡回首白雲邊。

和井子章病中見寄韻

獨有風騷侶，相思幸不空。
青雲途自遠，玄草病逾工。
微雨飛花外，鳴鴻落日中。
寄來春興句，知與郢人同。

送別朝鮮四文客

並馬辭東道聯翩不可停
春逢歸雁日天限使臣星
別意襟袵津柳靽心數驛亭
他時相憶處風雨杳冥冥

秋夜金峩山人過訪

解得人間世行藏兩不疑
高才多立洛魄薄宦轉支離
雁逐秋風至河侵夜色移
一樽隨意酌明月滿茅茨

冬夜集劉文翼宅分韻

共醉茅堂上寒雲片月懸
談玄期永夕縱飲送流年
狂態人間外浮名我輩前
淨琴彈一曲白雪入新篇

新晴晚望

晚景新晴好開窓望不窮江流琴曲裏山色畫圖中
歸鳥當樽過低雲擁樹空興來高枕處吾室有清風

十五夜遊金澤

法堂明月夜滄海望悠悠鐘擁潮聲起橋懸鵲影涼
風煙含島嶼蘆荻泊鳧鷗幽勝人間外頓忘離別愁

遊畫島

忽極登臨目南溟指素秋日含孤島湧雲傍十洲流
隱見魚龍窟參差蛟蜃樓飛揚仙路近直欲伴浮丘

初冬登東嶽山

東山如畫裏臨眺此徘徊雲擁諸陵出風吹萬樹開
煙霞丹嶂上雁路鳥碧池隈何限幽尋興暝鐘落梵臺

高濱夜雨

豐前中津十
二景之一

江臯煙霧起寒雨忽淒淒漁火明還滅雁聲高復低
暗風吹古渡落葉響空溪遙夜幽人夢飄然何處迷

樂仲艾席上題畫梅

佳園梅亦發相映畫中春毫拂清香散練含餘艷新
題詩憐白雪對酒弄芳辰彷彿羅浮夢時逢月下人

偶成二首

獨有沈淪者素懷湖海情
嫌疑難自避寵辱任他驚
狂態愈違世文章寧競名
寥寥千古事縱飲慰平生

其二

薄俗疑吾道安知大雅存
客稀甘閉戶花發好規園
身後名千載生涯酒一樽
高山與流水此調向誰論

訊服仲英病

舊游知索寞伏枕與誰親
回望春雲起相思夜月新
沈吟愁裏切玄趣病來真
君為千秋業殷懃護此身